



近九科同館賦鈔卷二

大法小廉賦以大法小廉國之肥也爲韻

滎陽孫欽昂編輯

蕭管卿乙丑

望莫重於三公典更分夫六太。緬槐棘之鴻儀懷萬芹之鸞職。天功時亮先法。守以垂型庶績其凝。飭廉隅而報最。徒善不足爲政。制準古今一介不取。諸人閉嚴小大蓋以主德宜宣民情待治。非大臣誰佐撫辰非小臣孰敷令甲。將成一代之經綸胥賴羣工之輔夾十二材得其任上下悉泯違心三百屬審厥官吏民皆知畏法其爲大臣也位列皋夔名尊龍鳥綜百度而要其成先庶司而端其表何以法立而令如流何以法行而民勿擾。監先王之成憲道永無愆。正天下之大經惠不在小其爲小臣也玉殊鼎貫石異騰瞻奉檄則丹忱自矢懷刑則墨訓須嚴一命榮邀取愛苞苴之託四知夙畏尤防瓜李之嫌公餘但有焚香清分鷁俸身外本無長物素守雞蟲且夫興廢者率屬之方也奉法者從公之式也簞簋飾而望彌尊節度昭而守益力黨馭害之八法不及小臣即弊吏之六廉無關大德居心未淨遑云論道而經邦式禮或愆孰是忘家而體國然而大臣之先法也鴻疇待訪象魏論思有規矩準繩之責無簿書錢穀之司

爛律度於當躬隱繫朝廷輕重留典型於後輩自成名世威儀治法必需治人行有尚也大言則受大祿禮亦宜之至於小臣之尙職也職居奔奏才任指揮非大猷之克展曷成法之敢違况位卑而言高侵宮有罰若力小而任重越俎貽譏但教念恤膏脂法網何嫌於疏闊即此名留清白廉泉記侈乎輕肥

皇上典重明揚
衡嚴取捨

命官則遠邁成周弼服則宏開有夏繼猷爲而稱守世篤忠貞先勤慎以厲清人歸

陶冶懸書讀法俾庶事其康哉懦立頑廉宜下觀而化也

龔顯曾 癸亥

張文成帷幄才高旂常績炳擊椎仲智勇之風投石處遭逢之幸感君推食決大計於須臾效我轉圜解危機於俄頃恰比借杯澆塊分封沮說客之談偶然下箸運籌前席應帝師之請方漢之困於滎陽也待決雌雄爭圖主勦鸛鵒則互列爲軍鵠蚌正相持未下請封六國鄢生獨博虛名莫駿一籌高帝未遑嫚罵竊恐分頒玉印鑄錯難更依然莫莫金甌背城誰借留侯乃聞言生駭定計

求全而觀正當御誤指揮恰傍宸筵謂制敵當操勝算詎拙圖僅出繞權未能
遠謀若輩僅知食肉容參末議此中何可慕羶欲求七鬯無驚悔不貽於事後
際此杯棹未盡筵請決於王前爰乃假器詞陳先幾謀豫正當燕飲之餘抵作
塵談之助藉彼有求籌筵遠慮應笑析圭論左不合時宜莫教復餽患成幾無
下處議非越俎伸疊疊之忠言智陋挈餅示超超之元箸是箸也運用偕臧酸
鹹共嗜必成竹之在胸乃決機之如意計異代庖舉同揚解幸賴折衝樽俎
子可爲王者師儻非獨握機籌疊疊幾敗乃公事瞭同指掌其如示諸斯手愚
救噬臍畫此謀者誰爲向使言不投以藥石事或誤於朝堂趣銷未定攫取仍
忙將帥則立錐無地世家則鑄券分疆失等聞雷撥食安知吐哺多難如雨謀
臣孰佐勸幾如會失當筵缺空提於亞父安得謀同拊耳印竟假於眞王猶
幸探囊有智側席能求值去來之會助甘苦之謀陋割肉徒誇分裂笑飲醪未
免優柔從茲圖登金湯聚米之河山長冀想見編精黃石調羹之鼎鼐無傳不
誇萬戶侯表直何須賜筴持此三寸舌量沙遠勝唱籌

皇上珠囊凝瑞

玉鏡延釐四海飲和而獻祝百僚珥管以書思

九陞

恩醴鼓腹同霑

膏澤八紘

威震推心咸備驅馳固已

鼎命常凝真神明之式也仰見

乾綱獨握軼炎漢而上之

蕭規曹隨賦以蕭也規曹也隨爲韻

陳藻仁甲戌

稽○法○言○淵○鑿○之○論○徵○漢○相○勳○業○之○昭○或○規○爲○於○曩○日○或○隨○步○於○一○朝○泗○上○風○雲○同○是○從○龍○之○侶○關○中○雷○雨○踵○登○逐○鹿○之○朝○異○他○士○擯○無○雙○獨○誇○將○種○試○聽○歌○騰○畫○一○怡○應○民○謠○故○徵○戰○士○勳○名○當○時○無○踰○信○越○而○驗○功○人○治○術○後○世○猶○景○曹○蕭○也○吾○想○夫○師○出○漢○中○軍○馳○戲○下○赤○伏○之○符○方○興○咸○陽○之○炬○已○施○歷○高○惠○而○位○尊○並○良○平○而○耦○寡○爲○刀○筆○吏○何○也○雅○負○相○才○學○黃○老○言○參○則○素○稱○長○者○爲○問○功○高○十○八○侯○其○禕○而○願○茲○法○守○三○千○繼○者○善○也○其○規○也○損○增○法○令○張○布○綱○維○除○秦○苛○政○立○漢○良○規○飛○挽○芻○蕘○而○將○士○之○糗○糧○不○匱○收○羅○圖○籍○而○天○下○之○戶○口○周○知○請○隙○地○以○給○農○桑○其○財○用○富○因○屯○兵○而○營○宮○闕○使○民○以○時○自○從○赤○帝○論○功○已○拜○冠○

裳之賜。孰是黃扉。踵武不更。管籥之司。其隨也。懷紀綱之素善。鑒變易之徒勞。守而勿失。仰之彌高。念先臣况瘁。經營法制已難。擬議設我輩紛更。變置閭閻。反致騷騷。獨循循於故步。笑碌碌之吾曹。非若所知。夏楚不寬於子。姓容吾藏。拙經綸無過乎醇醪。憶曾訓受。蓋公尙虞獄市。豈其業承蕭相。敢詡操刀。惟蕭也有以綱以紀之才。惟曹也有亦步亦趨之雅。譬二曜之代明。若五金之共冶。七十戰霸才難恃。力笑沐猴。二百年相業名高。勳垂汗馬。敷條布教。遐哉勿可及。手軌步繩。超巍乎其有功也。絕異杜房。贊畫待決。唐宗陋他平勃。交驩尙資陸賈。向使志相矛盾。跡涉睽離。蕭勸創垂之素曹。挾嫌間之。疑將轉餉。功高莫紹。守中之績。改絃志切難追。發縱之奇位。雖同於輔弼。跡乃戾於追隨。又安能動揚子之公評。蕭則指揮素定。博史公之一贊。參與休息。無爲也哉。

六府孔修賦

以水火金木土穀惟修爲韻

大課一名嚴

辰己未

粵自四象初生。五龍有紀。化啓二靈。道隆百揆。溯渾沌於太初。待平成於姒氏。四載著隨山之績。開法度於冬官。九州呈益地之圖。紀功能於夏史。當七政既齊之後。繼重華而統可承。天際五材並用之時。播百穀而功先治。水蓋惟六府之盈虛。視萬幾之勤惰。大君執兩而用中。小民廢一而不可堯之水。切於儆予。

棄之穀期於粒我土以宅夫百姓舜重瞳而民罔不懷木以諧夫八音襲一足而事無或墮明五刑以弼教皐絲之贖罪惟金分四仲以授時羲叔之占星爲火然而懷襄害大昏墊災深致五行之淪教勞八載之灑沈十日未落於羿矢八風誰應夫虞琴作亂有三苗正受金穰木饑之患養生無九穀共懷水深火熱之心使非功奏胙胙會萬邦而錫土安見形圖魑魅受九牧之貢金於是導三江濬四瀆旅九山弼五服水土旣平民人以育火掌於伯益之官金採於歷山之麓木翹材夫土之上堪作室而作宮穀竢實於土之中亦是饘而是粥帝有五而可六呈祥於河圖洛書王以一而貫三政儆於善旌謗木從知才列以三事分爲五惟茲六德之嚴可作百王之祖道必本於身修行修治無分於內府外府水乃中天之大患首修之而愆蓋黃熊穀爲下土之精華兼修之而任高朱虎配四時而校德春主木而秋主金取八卦以象形離爲火而坤爲土由如六合同仁六卿咸肅共稱舜舉之公可免堯憂之獨水爲木母而孳息有羣生火爲水妃而耦奇成一族按四方於地軸土司黃帝而居中測五緯於天垣木應歲星而有福貢分三品等差乎黃金白金赤金種別五方類列乎角穀房穀稜穀因而思洪荒之甫闢方渾噩而無爲有巢興而登木以處燧人出而鑽

火以炊藝穀以烈山爲祖合土以軒轅爲師雖屯蒙之運啓猶澤洞之害滋金
德旺而五德代興丙子爲改元之歲水官治而六官咸理庚辰乃佐命之司所
以五百年道啓見知合明聽翼爲而屬之汝十六字心傳允執辨危微精一而
惕以惟我

皇上治隆八政

福備九疇

乘六飛以馭世合六幕以揚休貴穀種以重農用資夫水火金木土撫羅圖而

輯瑞

德邁乎唐虞夏商周溯六相於有熊直可震今而鑠古簡六師於司馬行看武
偃而文修

信及豚魚賦以微隱之物信皆及之爲韻

陳學棻 壬戌

道之深者無心即合德之至者異類相依神明默契聲息無違故信之所行蠻
貊早能向化而信之所及豚魚亦覺忘機由忠誠以底至誠動而無動盡人性
以及物性微乎其微懋夫中孚之爲德也節度維嚴出言必謹本篤實之天懷
舒肫誠之素蘊豈獨祥麟瑞鳳觸處皆通須知風虎雲龍類原相近化機洋溢

動者伏而潛者深至道淵涵顯乎微而見乎隱然而豚魚之難及也物非靈異
性本頑癡雖習聞而習見究無識而無知獻豚縱可達誠殷勤盡禮饋魚卽能
將意慷慨陳詞是皆人情之酬應而非物類之轉移若水火之不相投性之殊
也恐馬牛之不相及遠莫致之詎知意矢堅貞心存密勿內無詐而無虞外無
侮而無排志堅金石桀鰲者道可相馴言重鼎彝跋扈者力能相屈蓋存莊敬
於一心故動精誠於萬物其及豚也鐵鬣原剛石欄自峻豚棚相安豚圈自順
招非入苙追殊歧路之羊牧漫加鞭馴等康莊之駿白躡允孚素心相印畏威
懷德宛然牛耳之伸盟暮四朝三詎比狙公之無信其及魚也澤通河海恩逮
江淮魚游樂遂魚夢年佳災可澹魴王室被周家之化文能驅鱷潮州明刺史
之懷沐寸丹於花港傳尺素於天涯腹無鱗甲之譏其人則遠涉鮮波濤之險
降福孔皆是則動以性天通於呼吸誠則有靈感而悉入豚欣不償加大國之
德音魚亦盡烹愼小鮮於叢邑自是休風遠播消鼠牙雀角以無爭亦同卦氣
相連與牝馬童牛而並及士也讀書有志研易深思契同人而不苟矢无妄於
平時敢豚犬之貽羞習藝經而自甘暴棄冀魚龍之善變仰
聖澤而願效驅馳備西鷄東繅之珍及其至也知麟趾嚙虞之治信以成之

鏡清砥平賦以寰海鏡清方隅砥平爲韻

周開銘乙丑

光華日月鞏固河山鯨川浪息雁碩師班際熙春之悅豫樂函夏之安閒鏡彩
明而珠耀砥道正而星環撒豐蔀以澄清德光函海履坤輿之平蕩慶洽瀛寰
昔裴晉公之作賦也功樂告成歌聞奏愷鑄劍戟而銷兵藝田疇而服采但興
萬戶之毗奚事千重之鎧鏡華皎潔瞻大化於重光砥路遵循頌永清於四海
有如鏡也者萬象虛涵一輪遠映澄澈無遺照臨各正遙空則雲翳全消大地
則煙氛早淨本是域開仁壽人步康衢翻疑鏡豁圓靈天臨海鏡又若砥也者
直原似矢正恰如衡磐安自奠石介長貞儼廉隅之並厲羣詖湯以偕行自有
坦途路闢雲程之遠同遊化宇塵欣風伯之清且夫量宏者恩溥德大者化光
非抱三無之明照曷開萬里之康庄惟魚海煙銷輝涵島嶼斯龍沙日麗珠走
梯航鏡儼啓夫軒皇清瑩洞徹砥任履乎周道平直圓方然而迢遙島服曠遠
邊區清濁之流易混平頗之勢多殊鏡或疲於屢照砥每誤於歧趨雖丙鑑高
懸奈阻風行之政縱庚郵遠置還遺日出之隅爾乃海慶瀾安車隨鉞指清則
八表無塵平則九州協軌其清且平也鏡光生虛室之明其平且清也砥柱鎮
中流之水台萬方而作覩政乘璣璿度重譯以來朝貢兼砥砥良由

聖天子明恢燭照

道叶衢亨

保三作鑑

固衆成城。昭洗甲之風。共安清淨。暢由庚之化。胥樂平成。寶鑑澄輝。願頌

光天之紉縵。環樞拱衛。咸歌

盛世之昇平。

卷阿矢音賦 以矢詩不多維以逐歌爲韻

大課三名 孫欽昂 丙辰

卷阿爲召公戒成王求賢而作。首章歌音。毛鄭俱屬賢人說。朱傳以游歌屬成王。而矢音則召公自謂。言從王游歌而得以陳所欲言也。欽遵

御案。毛鄭之於此章詩意。似紆曲不若朱傳直捷。謹依傳說。仿詩辭作爲此賦。於鑠成周。追歌喜起。國奠如磐。隅平似砥。迺駕六閑。言昭四美。臣則禹臯。地則宛委。茅拔以茹。蘭升其蘩。歡洽堂簾。樂諧角徵。嘉德無違。好音永矢。南薰入律。太史陳詩。召公隨扈。覽物乘時。七萃整旅。八神效祇。朱旗蔭桂。華蓋承芝。鸞翔鶴舞。雷動飈馳。天衢灑潤。疆野含滋。不有佳境。曷攬清夷。不有高詠。曷展襟期。瞻彼卷阿。紆盤曲屈。路轉風迴。嶺環雲鬱。我王來游。茂對萬物。綠愛林於紅怡。

鄂不我王來歌皇像無拂以雅以南如綸如綍誰其賡之臣爽輔弼臣爽稽首
獻頌鑾坡仰惟穆考以禮爲羅材儲械樸化溥菁莪得人而治其樂如何豐水
浩浩岐山峨峨雅管吹鳳講鼓鳴鼉靈臺之雲羅沼之波蔥蔥鬱鬱佳氣孔多
武王載旆耆定邊陲賴茲十亂張我四維白茅黃土好爵爾縻之屏之翰有守
有爲喬嶽哀對五服弗離大武詠蹈七德咸宜惟賢是寶其樂無涯今我嗣王
舊章率履百福降之繁祉介以豈曰鷺雉飛莫止之豈曰鷺梁戢莫使之一簣
之虧功胡可止一材之違政罔與視空谷有人橋門有士子子者旌尙其招致
翹翹者車尙其頒賜往者東洛令儀宏備以譙嘉賓春波獻媚今茲中阿生機
暢遂言念吉人朝陽鳴瑞風雅挖揚休明鼓吹德音孔昭元音不墜洪惟
盛世選舉無頗巖皆搜幹澗不謳邁

仙莊

省歲壤擊衢歌

宸章示戒玉律金科山陬海澨仁漸義摩小臣譫陋東觀吟哦願呼嵩嶽載擬
卷阿

貴賢寶穀賦以所貴惟賢所寶惟穀爲韻

周開銘乙丑

古帝王道炳丹宸治隆黃序士慶垂紳人歌有秬建賢則材盡梗枵祈穀則年
多黍稌貴先天爵之良寶重民生之緒蔚盈廷之楨幹各奏爾能徧樂士之桑
麻爰得我所稽平子之鴻篇繪治功於象魏薈萃羣材昭融庶彙金甌卜而夾
輔隆玉燭調而三農慰咫尺見凡材豈預殊榮奇獸珍禽異物由來不貴惟
賢也璠璣自重黼黻深資多誇濟濟俊列師師應運際風雲之會分官紀龍鳥
之司相期松楸光華成功告厥信是梧岡姜萼吉士其惟惟穀也穎抽碧玉種
別紅蓮露垂珠穠雲熟瓊田秉穗普同人之利倉箱歌大有之年食重民天早
投珠而抵璧豐登比戶期舉孝以興賢何使選建無聞積儲未舉莫茲叢鴻徒
嗟碩鼠才遺手疏附後先時違手主伯亞旅安望鹽梅作相啓乃君心豈能結
銓咸供獻于王所爾乃俊傑偕升豐盈永保貴儼並手鐘彝寶不忘夫冕璪羣
賢畢至川嶽呈材百穀用成瑯琊貢稻安車束帛極盛典於三微瑞麥嘉禾慶
告成於萬寶所由菁莪蔚起稼穡蕃滋才登八愷秀擢雙歧珊瑚網宏開貴比湯
盤禹鼎金穰肇瑞寶同琪樹瓊芝萃一代之英奇亭亭玉立均九州之貢賦上
上田惟豈不以念切旁求功先率育士興鳳翽之歌野慰豚蹠之祝增來聲價
玉重連城樂此豐穰珠量萬斛

恩隆庠序本尙德而

尊賢

澤沛垓塹爰旣富以方穀

與廉舉孝賦以興廉舉孝庶幾成風爲韻

姚協贊 戊辰

漢武帝治求上理德洽民蒸賢良旣舉文學曾徵而欲期心清似水履薄如冰
戒貪而詔下重廉前徵可紹養老而典隆勸孝祖武能繩應同賢士勤求鼃大
夫克膺薦舉更比秀才召用賈太傅無愧賓興念自清風已渺至德終潛潔節
不傳諸官府純脩莫覩於閭閻曾聞陸賈受金裝橐而飭隅不廉僅有緹紫救
父上書則孝女無嫌孰是完人石郎中力行敬孝莫譏酷吏郅中尉名著公廉
倘使共勵身修未能心許廉聲旣墜于上聞孝行徒承其令緒縱使廉同朱博
三桮自表其潔浩雖能孝比王陽九折空回於險阻誰復闡揚教化期俗易而
風移豈知綱紀人倫貴言揚而事舉是宜廉靜垂型廉明立教荷金玉之能捐
非錙銖之必較錢投飲馬士本知名庭有懸魚臣應報效客到盈門之市廉慕
鄭崇人來步擔之亭廉稱趙孝而且孝德堪嘉孝心克著善承啜菽之歡宜廣
采蘭之譽書能讀父曾傳章氏之經忠可移君好叱王尊之駁定許日碑拜畫

化及四夷還教蔡順棄薪澤流衆庶用是兼風遠被孝道同歸贈受一錢品高
劉寵業承兩世名重韓威清白傳家楊震與楊奇合傳詩書繼世桓榮偕桓郁
爭輝從茲節勵羣臣有鍾離之郤賄豈僅情殷見母惟陸續之知幾是蓋思隆
王道欲理民情降求才之丹詔將行教於蒼生惟期兼比孟嘗革敝而善安臣
職更願孝同王駿明經而不墜家聲與直言極諫而同升振興道備合異等茂
才而並進選舉功成

聖朝治追往古

化溥大同興賢則用爲舟楫舉善則招以旌弓大法小廉矢微忱之靖獻竭忠
盡孝荷

至德之旃幃豈徒步向

堯衢欣霑

膏雨從此言颺

舜陛永被

仁風

一字拔人賦以山公以一字拔人爲韻

周開銘乙丑

驥雲千里豹霧一斑獨高隻眼大庇歡顏定正人之品目引後進以追攀拔衆材兮迥出標一字兮榮頌肯教濫列剡章竿吹南郭竊比褒隆華袞秉東山昔蔡子尼精堅矢志明潔持躬砥節抱棱棱之槩懷方高嶽嶽之風品無雙而卓犖心不二而淵冲眞第一流守身如玉不衆人伍吐氣成虹獨具襟期峻望立風塵之表誰伸鑒拔鄉評符月旦之公乃有山季倫者識別精微品分臧否雅抱同春澄懷若水辨臭味於芝蘭植新陰於桃李合嗣渾金璞玉寶莫名其匪將良馬素絲畀之以眞賞忽逢良材特出說項維殷薦衡備悉一字等懸於國門一字若師手詩律掾非三語拔萃同升書豈萬言拔茅叶吉璠璣自重材原珠樹之三楨榦旁搜枝擢桂林之一且夫典午而還亮寅誰寄摯紳以脫略相高士類以風流自肆孰重品題孰持名義充閭誌慶徒矜門第之雄蠟屐閒游莫惜綱維之墜縱使丰標自立異表雞羣豈能識解不凡題超鳳字惟蔡君植品端方惟山子精心鑒察契在隱微見祛浮滑儼一珠之煥夜光類一卷之開瑤札一夔已足豈在多多一鶚高鶩何妨憂憂信間氣偶鍾西晉大雅不羣如瓣香虔奉南豐殊尤獨拔是蓋權衡不爽賞識特神拔奇於棄拔秀維新要未若我

國家任隆輔弼。

簡重臣鄰。人材蔚起。士氣全伸。方將鳳翽高歌。上嗣梧岡之響。豈復駟維載詠。空懷芻束之人。

焚香薦士賦。以所薦之士無不顯者爲韻。

葉大焯 戊辰

士苟才並皋夔。志希伊呂。四海神交。一時心許。作神魚之跋浪。變化無難。如健鷲之摩秋。扶搖此舉。豈徒十倍收聲。價於人間。直可三薰上封。章於帝所。昔謝宗源之爲諫議也。擢秀銀臺。掄英瑣院。宏獎風流。搜羅英彥。謂一字豈可拔人。三語奚容作掾。結韞非輕。選錢誰擅。每憶留芬座上。疑荀令之重來。儘教脫穎囊中。異毛生之自薦。然而薦士之難也。事關揚激。品雜妍媸。荆璞固虞其終祕。齊竽尤慮其濫吹。非葑皆材。敢遺採擷。薰蕕異臭。亦戒差池。拘識面於臺官。未免鑑衡爽矣。問前身於案吏。能無禱祀求之。當其未慶彈冠。先殷倒屣。品題重於荊州。賞識隆於鑿齒。市來駿骨。羣一顧而皆空。燕以龍涎。禮三升而可擬。似向牡丹花下。乞得天香。直從修竹叢中。酬伊佳士。不見夫金狷氣。噴寶鴨煙。紆霏如霧。散弱倩風扶。明日朝天。準備一封之奏。今宵掃地安排七寶之爐。居然室比芝蘭。清芬時有。若謂門多桃李。此意原無煙燼。飄餘露華。盥訖迺望闕兮。